



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus III. De pœnis statutis in falsantes literas Apostolicas.

[urn:nbn:de:hbz:466:1-73064](#)

casum reservatum, quoique literæ co-
obsignentur. Quia hæc *falsificatio* non de-
bet intelligi de sigillo *materiali*, sed de *for-
ma*, scilicet literarum sigillatione. Porrò
Falsarios literarum Apostolicarum, item
falsò fabricantes literas Apostolicas, &
falsò signantes supplicationes, in sexta cen-
sura bullæ Coenæ, Suarez de Cens. Disput.
21. S. 1. à n. 44. ita intelligit, ut compre-
hendant duplē actionem; alteram
quæ est *falsificare literas apostolicas*, id est,
à sincera veritate radendo, vel addendo,
immutare: & *falsas literas vero sigillo mu-
nire*: alteram, quæ est falsarum literarum
fabricatio, & gravior, quam præcedens:
& ideo gravius punitur extensâ poenâ ad
fautores & defensores.

ARTICULUS. III.

*De pœnis statutis in falsantes literas
Apostolicas.*

1096 **J**ure Canonico literas Apostolicas falsan-
tes, sunt ipso jure excommunicati, cum
suis fautoribus, & defensoribus, c. *ad Fal-
sarium* 7. h. t. ubi hæc poena extenditur
ad scienter utentes ejusmodi falsis literis,
eo tamen discrimine, ut si utentes sint
Clerici, non sint excommunicati, sed
priventur officiis, & beneficiis; Si autem
Clerici ipsi dictas literas falsificant, ipso
jure officiis privati sunt c. *ad Falsarium*,
ubi etiam dicitur ejusmodi falsantes esse de-
gradandos & tradendos Curia seculari; pu-
niendos poenis legalibus.

1097 Not. autem 1. poenas hujus Canonis
afficere solum eos, qui falsant literas *Pape*,
non autem aliorum; quia clarè loquitur
tantum de literis *Apostolicis*; & licet textus
loquatur de *excentibus* vitium falsi (ex
quo aliqui volunt, non sufficere *unicum
actum*) verius tamen esse oppositum; quia
verbum *exercere*, etiam in dispositione pœ-
nali, verificatur in unico actu, ut patet ex
§. *item lex Julia*, de adulteriis, Instit. de
publicis judiciis. Farinacius cit. q. 151. à
n. 31.

1098 Not. 2. crimen falsi à Clerico com-
missi in literis Papalibus esse unum ex tri-
bus casibus, in quibus de jure communi
degradatur, & traditur Curia seculari;
non exspectata ejus incorrigibilitate. Sic
Farinacius n. 4. Sed adverte ex Pirthing h̄c
n. 25. §. *veram* poenam infligi Clericis
solum illis, qui per se falsitatem excent,
Tom. V.

ut patet ex textu. Porro prædictæ pœnae
non extenduntur ad impetrantes literas
subreptitias, vel obreptitias. Barbosa in c.
7. h. t. n. 5. Et in dubio quis falsitatem
in litteris deprehensam commiserit? non
præsumi commissam ab impetrante ta-
les literas, si cognitâ falsitate iis uti de-
silit. c. *accedens* 8. h. t. ibi: *cum præsumi non
debeat, quod pro talibus literis, quæ facile
possunt obtineri, fraudem quis commiserit
falsitatis, nec literis usus est, postquam eas
falsas esse, cognovit; juncta Glost. in casu.*

ARTICULUS IV.

De crimine falsi in aliis instrumentis.

1099 **N**on est dubium, Notarium, qui con-
sicut falsum instrumentum, falsarium
esse, & ut tales puniri. 2. Eum, qui
scienter producit tale instrumentum, vel
eo utitur. L. *Majorem*. 4. C. ad Leg. Cornel.
de falsis; 3. Si quid addat, quod verum
non est; Sic Jul. Clar. §. *Falsum*. n. 19. vel
si addat solennitates in instrumento, ut
aliquid conficiat in re illicita, extra casus
jure permisso. Similiter, ut falsarius pu-
niendus est, qui testamentum, codicil-
lum, vel aliud instrumentum, aut literas
publicas, vel privatas, & ad aliud spe-
ctantes immutat, lacerat, vel comburit,
delevit, dolosè celavit, vel suppressit L. 1.
& 2. ff. ad Leg. Cornel. de falsis L. *licet* C.
eodem. Item ille, qui sc. vel illum, quem
in sua potestate habet, in alieno testamen-
to hæredem, vel legatarium scribit L. 1.
& 15. ff. ad Leg. Cornel. eodem.

Præter hæc notandum, falsarium es-
se, & ut tales puniri eum, qui alienum
chirographum imitatus fuit. L. 23. ff. eodem
qui rationes, tabulas, aut instrumentum
aliquod rasurâ falsavit, aut signum amo-
vit, L. 1. ff. eodem; qui signum adulteri-
num, seu falsum fecit, vel sculptit, ac eo-
dem literas sigillavit, L. 30. ff. eodem.
Specialiter autem constitutum est, ut inci-
dat in crimen falsi, qui aperit testamen-
tum clausum, L. 2. ff. h. t. qui verò literas
alienas, clausas, dolosè, cum alterius in-
juria ac damno aperit ac legit, crimen
quidem falsi committit, ut ait glost. in c.
cum olim de offic. Judic. deleg. V. Signa-
mitius tamen punitur; cum ex eo non
pervertatur veritas. Sylvester. V. *Falsarius*,
q. 1.

Crimen falsi etiam committitur fal-
Gg 2 sande